



অবিলম্বে প্রকাশের উদ্দেশ্যে: 8/21/2023

গভর্নর ক্যাথি হোকল

গভর্নর হোকল সিটির আশ্রয়কেন্দ্রগুলি থেকে কাজের ব্যবস্থা খোঁজার জন্য 30,000 এর বেশি আশ্রয়সন্ধানীকে সাহায্য করতে নিউ ইয়র্ক সিটির কেসওয়ার্ক বৃদ্ধির জন্য অতিরিক্ত 20 মিলিয়ন মার্কিন ডলার বরাদ্দ করলেন

NYC হেলথ + হাসপাতাল এবং আন্তর্জাতিক উদ্ধার কমিটির সাথে কাজ করে, স্টেটের তহবিল ট্রায়াজ এবং আশ্রয়কেন্দ্র থেকে বের হওয়ার প্রতিবন্ধকতা অতিক্রম করতে ব্যবহার করা হবে, যেমন আশ্রয়ের জন্য আবেদন করা এবং কাজের অনুমোদন

কেসওয়ার্ক বৃদ্ধি করা হবে অর্থবছর 24 বাজেটে আইনি সেবার জন্য স্টেটের 10 মিলিয়ন মার্কিন ডলার বিনিয়োগ ব্যবহার করে, যা আশ্রয়কেন্দ্র, স্বাস্থ্যসেবা এবং ন্যাশনাল গার্ডের ব্যয় পূরণ করার জন্য 1.5 বিলিয়ন মার্কিন ডলার প্রতিশ্রুতির অংশ

গভর্নর ক্যাথি হোকল আজকে 30,000 এর বেশি আশ্রয়সন্ধানীর জন্য কেসওয়ার্ক দায়ের করার প্রক্রিয়ার গতি বৃদ্ধি করতে একটি 20 মিলিয়ন মার্কিন ডলারের বিনিয়োগ ঘোষণা করলেন। এই সঙ্কট সমাধানে স্টেটের ইতিমধ্যে বরাদ্দ করা 1.5 বিলিয়ন মার্কিন ডলারের সাথে সংযুক্ত হওয়া এই বিনিয়োগটি আশ্রয়সন্ধানীদের কেস ব্যবস্থাপনা সেবার সাথে সংযুক্ত করে দিবে যাতে আশ্রয়কেন্দ্র থেকে বের হওয়ার প্রক্রিয়ার, এবং প্রয়োজন হলে আশ্রয় দাবি দায়ের করার প্রক্রিয়াকে দ্রুত করবে। এইসব সামাজিক সেবার চূড়ান্ত লক্ষ্য হলো বৈধ কাজের অনুমতি পাওয়ার সময়, আশ্রয়কেন্দ্র সিস্টেম থেকে বের হয়ে স্বাধীনভাবে বসবাস শুরু করার জন্য আশ্রয়সন্ধানীদের সমর্থন করা।

"এই সঙ্কট থেকে বের হয়ে আসার উপায় হলো কাজের অনুমোদন," **গভর্নর হোকল বলেন।** "নিউ ইয়র্ক সর্বদাই অভিবাসী ও নতুন আগমনকারীদের স্বাগত জানিয়েছে, এবং আশ্রয়সন্ধানীদের কাজের অনুমোদনের পথে স্থাপন করা হলে তা তাদেরকে স্বনির্ভর হয়ে উঠতে এবং ছায়া থেকে বের হয়ে আসতে সাহায্য করবে। নিউ ইয়র্ক স্টেট এক বছরের বেশি সময় ধরে উল্লেখযোগ্য মানবিক সহায়তা প্রদান করেছে, এবং আমরা এই চলমান সঙ্কট সমাধানে সিটিকে সমর্থন করা অব্যাহত রাখতে প্রতিশ্রুতিবদ্ধ।"

নতুন এই প্রয়াসটি NYC হেলথ + হাসপাতাল (NYC Health + Hospitals), NYC জরুরি ব্যবস্থাপনা (NYC Emergency Management), এবং NYS আবাসন সংরক্ষণ ও বিকাশ বিভাগে (NYC Department of Housing Preservation and Development) আশ্রয় পাওয়া 30,000 এর বেশি আশ্রয় সন্ধানীকে সক্রিয় বের হওয়ার সমর্থন করার কেস ব্যবস্থাপনা সেবার সাথে যুক্ত

করে দিবে। আশ্রয় সন্ধানীদের আগমনের পর অবিলম্বে তাদের সাথে কাজ করা এবং আশ্রয়কেন্দ্রে অবস্থানের পুরো সময় তাদের সাথে জড়িত থাকা, তাদের আশ্রয়কেন্দ্র থেকে বের হওয়ার পরিকল্পনা করতে সাহায্য করবে এমন সমাজকে সেবার সাথে তাদের যুক্ত করে দেওয়ার জন্য কর্মসূচি তৈরি করা হয়েছে। এইসব সামাজিক সেবা প্রদানকারীদের মধ্যে থাকবে আশ্রয় আবেদন কেন্দ্র (Asylum Application Center), এটিও নিউ ইয়র্ক স্টেট দ্বারা অর্থায়িত হচ্ছে।

আন্তর্জাতিকভাবে স্বীকৃত বেসরকারি প্রতিষ্ঠান (Non Governmental Organization, NGO), আন্তর্জাতিক উদ্ধার কমিটির (International Rescue Committee) তৈরি করা একটি ফ্রেমওয়ার্ক ব্যবহার করে সিটির আশ্রয়কেন্দ্রসমূহের আশ্রয়সন্ধানীদেরকে নতুন রঙ-ভিত্তিক স্কেল ব্যবহার করে ট্রায়াজ করা হবে: আশ্রয়কেন্দ্র থেকে বের হওয়ার কোনও উল্লেখযোগ্য প্রতিবন্ধকতা না থাকলে সবুজ; বের হওয়ার পথে সমাধানযোগ্য প্রতিবন্ধকতা থাকলে হলুদ; এবং বের হতে জটিল প্রতিবন্ধকতা রয়েছে যা সমাধান করতে বিস্তৃত সংস্থান প্রয়োজন হবে এমন ক্ষেত্রে লাল। এই ট্রায়াজ পদ্ধতিটি আশ্রয়কেন্দ্র থেকে বের হওয়ার গতি বৃদ্ধি করবে, আশ্রয়কেন্দ্র থেকে বের হওয়ার জন্য প্রয়োজনীয় সেবা ও সংস্থানের সাথে যোগাযোগের ব্যবস্থা করবে, এবং পরিবারসমূহকে স্বাধীন জীবনযাপনের পথে স্থাপন করবে। সিটির আগমন কেন্দ্রে আসার পর ব্যক্তি ও পরিবারের সাথে কাজ করা সুর করা হবে এবং আশ্রয়কেন্দ্রে তাদের অবস্থানের পুরো সময় তা চলমান ভিত্তে করা হবে।

অভিবাসীদের আইনি সেবা প্রদান করতে অর্থবছর 24 বাজেটে নিউ ইয়র্ক সিটিকে যে 10 মিলিয়ন মার্কিন ডলার স্টেট প্রদান করেছে, যা দিয়ে সিটির আশ্রয় আবেদন কেন্দ্র স্থাপিত হয়েছে, তার সাথে এই তহবিল সংযোজিত হবে। এছাড়াও এটি নজিরবিহীন সংখ্যক আশ্রয়সন্ধানীকে আশ্রয় দেওয়ার জন্য স্টেটের বিদ্যমান প্রয়াসকে অগ্রসর করে, যার মধ্যে রয়েছে অতি সম্প্রতি র্যান্ডেলস আইল্যান্ড এবং ক্রিডমুর সাইকিয়াট্রিক ফ্যাসিলিটিতে (Creedmoor Psychiatric Facility) খোলা স্টেট অর্থায়িত মানবিক জরুরি সাড়াদান ও ত্রাণ কেন্দ্রসমূহ (Humanitarian Emergency Response and Relief Centers, HERRCs)। এছাড়াও আশ্রয়সন্ধানীদের আশ্রয় দিতে সিটির প্রয়াসকে সমর্থন করার জন্য স্টেট 1.5 বিলিয়ন মার্কিন ডলার প্রদানের প্রতিশ্রুতি দিয়েছে এবং লজিস্টিক এবং সিটি চালিত আশ্রয়কেন্দ্রগুলিতে পরিচালনামূলক সমর্থন প্রদান করার জন্য 1,800 এর বেশি নিউ ইয়র্ক ন্যাশনাল গার্ডের (New York National Guard) সদস্যকে মোতায়েন করেছে।

###

আরো সংবাদ এখানে পাওয়া যাবে: www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্কাইব করুন](#)